

密縣志

嘉慶丁丑秋日開雕

西

風

集

本衙藏板

密縣志卷九

賜同進士出身候選知縣前國子監學正武進謝增
同纂
賜同進士出身密縣知縣充丙子科河南鄉試考官官吳候陞長官景綸

典禮志

上祀

社稷壇

會典直省府州縣歲以春秋仲月上戊祭

陳設 帛一 羊二 豕二 釧二 籩八 豆八 簠

四 簋四 爵六

儀注 祭日各官衣朝服禮生引承祭官至拜位贊唱執

事者各司其事陪祭官各就位承祭官就位唱瘞毛血

密縣志卷九 典禮志 上祀 中祀

詣盥洗所盥洗淨巾詣香案前上香復位迎神行二跪六

叩頭禮興唱行初獻禮引詣神位前跪獻爵叩首興

復位唱讀祝文引詣讀祝位跪眾官皆跪宣祝文畢叩首興

復位唱行亞獻禮引詣神位前跪獻爵叩首興復位唱行

三獻禮如亞獻儀唱飲福受胙引詣飲福受胙位跪飲福

酒受福胙叩首興復位唱謝胙一跪三叩頭唱徹饌送神

行二跪六叩頭禮興唱司祝者捧祝司帛者捧帛各詣燎

所望燎引詣燎位焚畢揖復位唱禮畢

中祀

先師孔子廟

會典每年二月八月上丁日致祭如 太學儀遇有事改

次丁或下丁通行府州縣衛各學遵行

四配

十二哲

兩廡

崇聖宮並同日祭

以上陳設儀注載學校志

先農壇

會典直省督撫及所屬府州縣衛各於所治地方擇潔淨之地設立

先農壇及藉田自雍正五年為始每歲仲春亥日各率所屬官以及耆老農夫致祭

寧縣志卷九 典禮志 上祀 中祀

先農之神照九卿耕藉行九推之禮

陳設 帛一 羊一 豕一 釧一 邊四 豆四 簋二 籩二 爵三

儀注同 社稷壇

耕藉儀注 各官更蟒衣詣藉田行耕藉禮正印官秉耒佐貳捧青箱播種各官俱用右手扶犁左手執鞭各行九推禮農夫終畝畢各回官廳更朝衣望

闕恭行三跪九叩頭禮畢

神祇壇

會典載直省府州縣

社稷風雲雷雨山川諸神以春秋仲月上戊日致祭繫地方

正印官主祭前期卽令主祭官於教職內委監禮官二人
佐貳雜職內委監視祭品官一人令其虔誠執事

雍正三年議准直省府州縣

神祇壇設

風雲雷雨位於中設

山川位於左稱某府州縣境內

山川之神設

城隍位於右稱某府州縣

城隍之神

陳設 帛一 羊三 豕三 饌案三 遵豆各四 簋

簋各三 爵各三

密縣志卷九 典禮志 羣祀

三

儀注同 社稷壇

羣祀

關帝廟

會典直省府州縣以春秋二仲及仲夏中甸三日致祭

陳設 帛一 牛一 羊一 豕一 登一 鉶二 遵

十 豆十 簋二 簋二 鑪一 鐙二 香盤三 尊

三 爵九

五月十三日

聖誕 帛一 牛一 羊一 豕一 果五盤

儀注 祭日禮生引承祭官進左旁門至盥洗所贊盥洗

畢引至殿內行禮處 唱執事者各司其事承祭官就

位陪祭官各就位唱迎神司香捧香盒就香案左邊立引承祭官就香案前立司香跪唱上香承祭官立接將炷香拱舉插鑪內唱行三跪九叩頭禮唱奠帛爵行初獻禮引唱詣神位前跪獻帛獻爵三叩首與復位唱讀祝文引詣讀祝位跪祝文讀畢唱三叩首與復位唱行亞獻禮引如初獻儀唱行三獻禮如亞獻儀退復位唱飲福受胙引詣飲福受胙位跪飲福酒受福胙三叩首與唱徹饌送神唱行三跪九叩禮唱捧祝帛饌各詣燎位祝帛在前香饌在後承祭官退西旁立候祝帛饌過復位立唱詣望燎位唱焚訖揖復位唱禮畢退

雍正三年議准

寧縣志卷九 典禮志 羣祀

四

勅封關帝

曾祖為光昭公

祖為裕昌公

父為成忠公製造神牌奉安後殿於五月致祭外增春秋二祭

陳設 帛三 羊各一 豕各一 登各一 銅各二

籩豆各八 簠簋各二 鑪一 鐙一 香盤三 尊三

爵九

儀注 承祭官詣各案前奉香行二跪六叩禮餘同前殿

文昌廟

嘉慶六年禮部遵

旨議奏

文昌帝君倣照崇祀

關帝典禮致祭一摺奉

旨依議欽此移咨各直省遵照辦理每年春秋二祭以二月

初三日

聖誕為春祭八月欽天監選定吉日為秋祭

文昌帝君三代姓名查無確據未便請加封號謹製

文昌帝君先代神牌奉安後殿照

關帝後殿祀典致祭

奎樓 上丁日祭

陳設 帛一 羊一 豕一 爵六 籩四 豆四 簠

密縣志卷九 典禮志 羣祀

五

一 盞一

儀注 行一跪三叩禮

忠義祠 祀常十以下十二人

節孝祠 祀旌表入祠者三十六人又秦志錄入者共勒一碑於祠內

名宦祠 祀卓茂以下七人

鄉賢祠 祀侯霸以下七人

會典直省府州縣附廟左右各建忠義節孝名宦鄉賢四

祠每歲春秋釋奠畢教諭一人公服詣祠致祭

以上陳設儀注並同 奎樓

厲壇

會典直省府州縣歲清明七月望十月朔日祭厲壇於城

北郊前期守土官飭所司具香燭公服詣

城隍廟以祭厲告本境

城隍之神黎明禮生奉請

城隍神位入壇引守土官公服詣

神位前跪與如儀退禮生仍奉

城隍神位還廟各退

城隍位陳設 帛一 羊一 豕一 爵三 饌案一

邑厲位陳設 羊三 豕三 米飯三斗

城隍聖誕每年五月二十八日祭 不奉 勅

陳設 帛一 羊一 豕一 爵三 饌案一

儀注 行二跪六叩禮

密縣志卷九 典禮志 羣祀

六

蟲王廟

每年六月十二日祭

陳設同上

儀注 行一跪三叩禮

八蜡祠 乾隆三年以劉猛將軍配

揚威侯祠

以上隨 社稷壇祭

土地祠

隨 壇祭 又每年二月初二日祭 不奉 勅

火神廟

每年六月二十三日祭

以上陳設儀注並同 蟲王廟

旗纛

每歲端午霜降日子演武場祭之

陳設 帛一 爵三 豕首一 饌案一

儀注同上

馬王廟

每歲春秋仲月上戊日祭 又六月二十三日祭不奉 勅

陳設 帛一 羊一 鷄一 素饌一案

儀注同上

白龍王廟

雍正五年奉

密縣志卷九 典禮志 羣祀

七

旨京師裝塑龍像各省遣官迎請崇祀

每歲二月初二日祭

陳設儀注並同 城隍聖誕

卓君廟

每歲春秋仲月上戊日祭 又九月初四日祭不奉 勅

陳設同上

儀注 行一跪三叩禮

藥王廟以下皆不奉 勅

每年九月十五日祭

陳設同上

儀注 行二跪六叩禮

大王廟

朔望行香行二跪六叩禮每年鹽商私祭

城門

每新官到任一祭

陳設儀注並同 旗纛

獄神廟

三官廟

朔望行香無祭期祭品

祝文 乾隆八年頒定

社稷壇祝文

惟 神贊襄天澤福佑蒼黎佐靈化以流形生成永賴乘

密縣志卷九 典禮志 祝文

八

氣機而鼓盪溫肅攸宜磅礴高深長保安貞之土憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣尙饗

先農壇祝文

惟 神肇興稼穡粒我烝民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉奠章聿修祀事惟願五風十雨嘉祥恒沐於神庥庶幾九穗雙岐上瑞頻書於大有尙饗

神祇壇祝文

惟 神奠安九土粒食萬邦分五色以表封圻育三農而

蕃稼穡忝承守土肅展明禋時屆仲春敬修祀典庶在秋
松柏鞏盤石於無疆翼翼忝苗佐神倉於不匱尙饗

奎樓祝文

惟 神七星冠首六合承輝德耀青陽祐人才而奮起祥
開紫電煥文運之光昌天象照臨士林怵慶敬修禋祀肅
展微忱尙饗

關帝祝文

惟 帝浩氣凌霄丹心貫日扶正統而彰信義威振九州
完大節以篤忠貞名高三國神明如在徧祠宇於寰區靈
應丕昭薦馨香於歷代屢徵異蹟顯佑羣生恭值良辰遵
行祀典筵陳遺豆几奠牲醪尙饗

密縣志卷九 典禮志
祝文

九

關帝先代三公祝文

惟 公世澤貽庥靈源積慶德能昌後篤生神武之英善
則歸親宜享尊崇之報列上公之封爵錫命優隆合三世
以肇禋典章明脩恭逢諏吉祇事薦馨尙饗

八蜡祠祝文

於惟 尊神實司歲功驅螽斂騰五穀乃豐茲當歲禴虔
具犧牲神其保佑惠此生靈尙饗

旗纛祝文

惟 神旗纛是司三軍所視威揚闔外疆圉是恃霜露旣
肅仰答膚功神其有靈歆此菲供尙饗

營祭城門祝文

詔命臨民職司守土惟兆人之攸賴並藉神功冀四序之
常調羣蒙福蔭必使雨暘應候爰占物阜而民安庶其寒
燠咸宜共慶時和而歲稔仰靈樞之默運聿集嘉祥襄元
化以流形俾無菑害尙饗

忠義孝弟祠祝文

惟 靈稟賦貞純躬行篤實忠誠奮發貫金石而不渝義
問宜昭表鄉閭而共式祇事懋彝倫之大性摯蒿莪克恭
念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳簠簋來格几筵

尙饗

節孝祠祝文

密縣志卷九 典禮志 祝文

惟 靈純心皎潔令德柔嘉矢志完貞全閨中之亮節竭
誠珍敬彰壺內之芳型茹冰蘖而彌堅清操自勵奉盤匱
而匪懈篤孝傳徽

絲綸特沛乎殊恩祠宇昭垂於令典祇循歲事式薦尊醪尙
饗

名宦祠祝文

於惟 諸公檜陽先正彬彬濟美爲憲爲令宜民宜人福
有餘慶我後之人繩武是秋惟茲仲春謹以牲帛醴醢粢
盛庶品之儀祇薦於 神尙饗

鄉賢祠祝文

於惟 諸公檜陽粹英允文允武克孝克忠泰山喬嶽日

且有聲千秋萬禩俎豆光榮惟茲仲春謹以牲帛醴醢盛庶品之儀祇薦於神尙饗

文昌廟祝文 嘉慶六年頒定

惟神蹟著西垣樞環北極六匡麗曜協昌運之光華百代垂靈爲人文之主宰扶正久彰夫感召荐馨宜致其尊崇茲屆仲春用昭時祀尙其歆格鑒此精虔

文昌三代祝文

祭引先河之義禮崇反本之思矧夫世德彌光延賞斯及祥鍾累代烟列宿之精靈化被千秋緯人文之主宰是尊後殿用答前庥茲值仲春肅將時祀用申告潔神其格歆

密縣志卷九 典禮志 拜牌 接詔

十一

拜牌儀注

萬壽聖節前一日於法海寺安設龍亭至期五鼓文武官衣朝服趨立丹墀下文東武西禮生四名贊引至各拜位行三跪九叩頭禮畢各退前後三日俱蟒服坐班皇后千秋令節元旦長至節儀注俱同不坐班

接詔儀注

詔書至文武官員皆朝服具龍亭彩輿儀仗鼓樂出郭肅迎朝使捧

詔書置龍亭中南向朝使立亭東北禮生贊行三跪九叩頭禮衆官及鼓樂前導朝使隨亭後行至公庭門外衆官先趨入文武分東西序跪候龍亭至公庭中朝

使立 龍亭東西向禮生贊行三跪九叩頭禮 朝使授
詔書授展讀官展讀官跪受詣香案前開讀衆官跪聽畢三
品以上官跪請

聖安退易服與 朝使行禮如

詔書經過及止宿文武官朝服具鼓樂出城迎接跪道右候
詔書過方起隨至郵亭設香案供奉禮生贊行三跪九叩頭
禮畢易服與 朝使行禮臨行仍具鼓樂在道右跪送如
但經過不進郵亭則但迎送不行禮如有出使官員亦同
行禮迎送路過官員軍民人等俱備伏道旁候過方起
本縣遇有

恩詔本府委禮生恭賚跪迎開讀儀注照前執事以禮生代

齊縣志卷九 典禮志

十三

之在法海寺安設 龍亭宣 諭

迎春儀注

每歲先期塑造春牛並塑芒神立春前一日各官朝服迎
於東郊祭勾芒神行三跪九叩禮本日衣告服祭勾芒神
同前禮畢各執綵杖正官擊鼓三聲環鞭土牛者三

朔望儀注

每月朔望黎明長官及僚屬滿

文廟 武廟 文昌廟行三跪九叩頭禮及各祠廟行禮畢
遂率僚屬暨鄉約木鐸老人司約人等至講約所設香案
禮生唱序班行三跪九叩頭禮與退班齊至講所軍民人
等環列肅聽禮生唱恭請開講司講生詣香案前跪恭捧

上諭登臺木鐸老人跪宣讀畢禮生唱請宣講

上諭司講生按次講畢退

祈禱儀注

凡祈禱在 城隍廟 龍神廟設香案僧道各一班開壇
誦經鼓吹一班禮生四名各官衣素服步行至廟禮生引
至拜位贊行一跪三叩禮宣疏文畢再行一跪三叩禮焚
疏文揖退祈雨則注水盈缸插柳枝

救護儀注

凡日月薄蝕先期設香案於露臺金鼓列儀門樂人刈臺
下設拜位於露臺上俱向日月至期各官俱素服齊集陰
陽生報初虧禮生贊行三跪九叩首禮正印官上香畢擊
鼓三聲金鼓齊鳴食甚再行三跪九叩首禮報復圓鼓聲
止各官仍素服行三跪九叩首禮畢

到任儀注

凡新官到任行至郭外更衣蟒服先祭城門行一跪三叩
禮入東門避費宮遶後街行走至本衙儀門前下轎祭儀
門行一跪三叩禮從中道上露臺更衣朝服望

闕謝

恩行三跪九叩禮拜印行一跪三叩禮更衣蟒服至宅內祭竈
神行一跪三叩禮連發三梆出升公座皂隸排衙陰陽生
報吉時用印三顆捕衙稟參免各書吏眾役叩賀堂吏稟
堂事畢回署次早詣 各廟行香

開印儀注

屆期陰陽官報吉時發三梆鼓吹陞公座各官稟賀庭
堂正官穿朝服上堂拜印各官隨班行三跪九叩禮望

闕謝

恩亦行三跪九叩禮回署更衣蟒服出陞公座各官稟賀庭
參免堂吏請開印稟發僉押牌九房按次僉押畢繳牌皂
隸排衙書役叩賀畢鼓吹陞炮封門典吏捧印進署

封印儀注

屆期陰陽官報吉時發三梆正官穿朝服上堂陞公座陞
炮鼓吹開門各官稟庭參免吏房請印印封印大吉四字
用印三顆堂吏跪稟高陞典吏書役分班叩賀畢設案率

密縣志卷九 典禮志

開印 封印

十四

領各官隨班拜印行三跪九叩禮各官旁立陞炮掩門鼓
樂迎印進署

鄉飲酒儀注

每歲正月十五日十月初一日於儒學行禮前一日執事
者於儒學之講堂陳設坐次司正率執事者習禮至日黎
明執事者宰牲具饌主席及僚屬司正先詣學遣人速賓
候以下比至執事者先報賓至主席率僚屬出迎於庠門
之外以入主東賓西三揖三讓而後升堂東西相向立贊
兩拜賓坐執事又報候至主席又率僚屬出迎揖讓升堂
拜坐如前儀賓介俱至既就位執事者唱司正揚觶執事
引司正由西階至堂中北向立執事者唱賓候以下皆立

唱揖司正賓僕以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生語畢執事者唱司正飲酒飲畢以觶授執事者唱揖司正揖賓僕以下皆揖司正復位賓僕以下皆復位唱讀律令執事者舉律令案於堂之中引讀律令者詣案前北向立唱賓僕以下皆立行揖禮如前讀畢復位執事者供饌案執事者舉饌案至賓前次僎次介次主三賓以下各以次舉訖執事者唱獻賓主起席北面立執事酌酒以授主主受爵詣賓前置於席稍

退唱兩拜賓答拜訖執事又酌酒以授主主受爵詣僕前置於席交拜如前儀畢主退復位執事者唱賓酌酒賓起僕從之執事者酌酒授賓賓受爵詣主前置於席稍退唱兩拜賓僕主交拜訖皆就位坐執事分左右立介三賓衆賓以下以次酌酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案畢唱賓僕以下皆行禮僕主僚屬居東賓介三賓衆賓居西贊兩拜訖唱送賓以次下堂分東西行仍三揖出庠門而退

凡鄉飲酒禮序長幼崇賢良別奸頑其坐席間有高德邵者居上高年淳篤者次之以次序齒而列其有違條犯法

者不許干於善良之席違者罪以違制敢有喧嘩失禮者揚觶者以禮責之主知縣爲之位東南大賓以致仕官爲之位於西北僕擇於里年高有德之人位於東北介以次長位於西南三賓以下之次者爲之位於賓主介僕之後除賓僕外衆賓序齒列坐其僚屬則序爵司正以教官爲之主揚觶以罰贊禮者以老生員爲之

初歌鹿鳴之首章

次歌南山之首章

三歌湛露之首章

終歌天保之首章

鄉約儀注

凡縣城內及四鄉大村店各立講約所設約正一人以老誠有學行者爲之選樸實謹守者爲直月三四人置二籍

密縣志卷九

典禮志

十六

德業可勸者爲一籍過失當規者爲一籍直月掌之每月朔預約同鄉之人夙興齊集約所俟約正及耆老里老皆至相對三揖衆以齒分左右立設案於庭中直月向案北面立抗聲宣講

聖諭廣訓衆皆肅聽約正復推其說必剴切丁寧務期警悟通曉未達者許其質問但不得喧嘩講畢鄉人有善者衆推之有過者直月究之約正詢其實狀衆無異詞乃命直月分書於籍直月高聲讀記善籍一遍其記過籍呈約正及在約衆人默視一遍直月收之事畢揖而退歲終則考核其善過彙冊報知縣官行勸懲之法有能改過一體獎勵之

賓興儀注

凡大比之年先試期一月知縣擇吉具啟延致應試諸生屆期大堂設宴演劇備登瀛橋於中門外諸生至謁知縣行四拜禮見學師三揖卽席知縣命送酒酒三巡諸生簪花披紅由彩橋出送至大門外禮畢

送學儀注

凡歲科試新進紅案到縣擇日設席於大堂至期諸生皆藍衫分班叅見行四拜禮卽席給花紅鼓樂導送至文廟墀下行三跪九叩禮退詣明倫堂知縣與學師交拜新生叅見學師行四拜禮宣讀卧碑卽席飲三巡起立新學向上三揖辭退

